

# IEHKEDISMÁLES SKIHPPE LUNNA

## - NATTVERD HOS SYK 03.02.11

1 Liturgga ságas skihppiin, jus le máhttelis sierra lanján, ja guláskuddá jus sujna le miella iehkedismállásav oadtjot.

2 Suddodábdástimen aneduvvá árník Aktugattja skallo, mij máhtta oaneduvvat.

3 Jus skihppe ij le desti tjielgas, de liturgga ij galga iehkedismállásav juohket, ájnat ráhkálit suv ávdás ja sijá ávdás gudi li tjoahken.

4 Guhti iehkedismállásav juogat, tjágná liturgalasj gárvojda jali ietjá hiebalgis gárvojda.

Dábálatjtat aneduvvá dákkár árník:

Dáhpáduš máhtta álget sálmajn.

*L* Ármmo ja ráfe Jubmelis, Áhtjestimme ja Hærrá Jesus Kristusis.

Mijá Hærrá Jesus Kristus javllá, gánná guovtes jali gálmás li tjoahken suv namán, sán iesj le siegen, ja gájkka majt ráhkáli suv namán, lulun oadtjot.

Áskeldattijn dájda bágojda lip dánna tjoahken sebratjit ájlis iehkedismállásij, gánná Hærrá iesj le siegen rubmahis ja varás baktu. Ja ráhkálip vaj sálli mijáv oassálasstet dát ájlis mállásis vuollegis ja duodalasj vájmoj.

Ráhkálup ja gijttup.

Bajástjuodtjelam Hærrá ja Lánestiddje, mij hievedip ja guddnedip duv ájlis namáv danen gá værrodi ietjat mijá suttoj diehti. Dunji lehkus guddne gieresvuodat ávdás mij le gievrap gá jábmem. Sálli mijáv, gudi duv bævdđáj lájddástip duostutjit duv rubmahav ja varáv, oassálasstet dán ájlis mállásij vuollegis ja duodalasj vájmoj. Aktida mijáv ietjajnat náv gák oavse li vijnnamuoran, áhpada mijáv guojmáma iehttset degu dán mijáv le æhttsám, ja sálli mijáv vijnmak dujna tjáhkanit állesvuoda rijkanat.

### Hærrá ráhkálvis

Áhttje mijá guhti le almen.

Ájlistuvvus duv namma.

Báhtus duv rijkka.

Sjaddus duv sidot

gák almen, náv aj ednamin.

Vatte midjij uddni mijá bæjvvásasj lájbe.

Ja luojte midjij suttojdimme ándagis,

náv gák mij aj luojttep mijá velgulattajda.

Ja ale mijáv gæhttalibmáj lájddi,

ájnat várjjala mijáv bahás.  
Juhte duv le rijkka ja fábmo  
ja herlukvuohta ihkeven ájggáj.  
Amen.

## Hærrá vuododimbágo

L Mijá Hærrá Jesus Kristus dan ijá gá biehteduváj, lájbev sán váldij,

*(liturgga gárev válldá)*

Jubmelav gijtjij, dâdjalij dav ja áhpadusâlmmájda vattij javla: “Váldit dáv ja bârrit. Dát le mov rumáj mij dijá ávdâs værroduvvá. Dahkit dáv mov mujtton”.

Váldij aj gávtjav mállásij mañjela,

*(liturgga gávtjav válldá)*

Jubmelav gijtjij, ja sidjij vattij javla: “Juhkit dássta gájka. Dát gávttja le ádá lihtto mov varán, mij dijá ávdâs gâlgâduvvá suttoj ándagisluojtemij.

Juohkka bále gá dássta juhkabihtit, dahkit dáv mov mujtton”.

### **Jubmel’ Libba      Agnus Dei**

Jubmel’ Libba, mijá suttojt guoddi,  
de ármujnat gulldala.

Jubmel’ Libba, mijá suttojt guoddi,  
de ármujnat gulldala.

Jubmel’ Libba, mijá suttojt guoddi,  
ráfát vatte dån.

## Iehkedismáles

Juogadimbágo li:

Dát le Jesusa rumáj.

Dát le Jesusa varra.

Juogadime mañjela javllá liturgga:

Ruossinávllidum ja bájastjuodtjelam Jesus Kristus le dal dunji/dunnuj/didjij (munnuj/midjij)  
vaddám ietjas ájlis rubmahav ja varáv mav sán sâbadussan vattij duv/dunnu/dijá (munnu/mijá)  
suttoj ávdâs. Sån gievrrodus duv/dunnuv/dijáv (munnuv/mijáv) ja várjjalus duv/dunnuv/dijáv  
(munnuv/mijáv) duodalasj jáhkõn ihkeven iellemij.

Ráfe lehkus dijájna.

Dan maŋŋela máhtá tjuovvot

### Ihkedismállása gijtulvisráhkálvis

Gijttup ja ráhkálu.

Mij gijttep duv, almmelasj Áhtte, duv buorissjivnnjedum vattáldagáj ávdás.

Ráhkálu vaj dán dag vattáldagáj lulu bisodit mijáv jáhkun dunji, aktidit mijáv gieresvuodanit ja duodastit mijá ihkeven iellema dárvo, Bárnát, Jesus Kristusa, mijá Hærrá diehti.

### Buorissjivnnjádus

Ámasta/ámastihte/ámastihtit buorissjivnnjádusáv.

Hærrá buorissjivnnjedus duv ja várjjalus duv.

Hærrá tjuovggijus árudijás dunji ja lehkus dunji ármogis.

Hærrá járggálu árudijás dunji ja vaddus dunji ráfev. +

Amen.

Dáhpádus máhtá láhpáduvvat sálmajn.